



ATASSUT INATSIARTUNI

ATASSUT

UKA 2013/31-56-1

Siverth K. Heilmann

09.10.13

Kalaallit Nunaanni nammineq piumassuseq naapertorlugu upalungaarsimasunik naalagaaffik suleqatigalugu pilersitsisoqarsinnaanera tamatumalu sunniutigisinnaasaasa misissorneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Doris Jakobsen, Siumut)

&

Kalaallit Nunaanni nunami aammalu imaatigut kajumissutsimik tunngaveqartumik upalungaarsimasunik pilersitsisoqarsinnaaneranut periarfissanik soqutiginninnermullu misissuisoqarnissaa siunertaralugu Naalakkersuisut Naalagaaffimmut attaveqarnissaannut pisussaaffilerneqarnissaannut aalajangiinissamut siunnersuut.

(Inatsisartunut ilaasortat Naaja H. Nathanielsen aamma Sara Olsvig, Inuit Ataqatigiit)

Siunnersuutit marluk soqutiginarluinnartut Siumut sinnerlugu Inatsisartuni ilaasortap Doris Jakobsen-ip aammalu Inuit Ataqatigiit sinnerlugit Inatsisartuni ilaasortat Naaja H. Nathanielsen-ip aamma Sara Olsvig-ip siunnersuutaat ATASSUT-mit assut soqutigalugit misissorpavut imatullu oqaaseqarfigissallugit:

Nunami aammalu imaani kajumissutsiminnik upalungaarsimasut pilersinneqarnissaannik siunnersuuteqartut siunertaqarlutik Naalakkersuisunut misissueqqusinerat ATASSUT-mit tamakkiisumik tapersorsorparput.

Periarfissaq manna iluatsillugu ATASSUT-mit immikkut qujaffigissavagut Nunarput sinnerlugu Folketingimi ilaasortat matumani siunnersuuteqaqataasut Folketing-imi sulinerminni



ATASSUT INATSIARTUNI

upalungaarsimanikkut sillimaniarnikkullu Naalagaaffiup pisussaaffii tunngavigalugit eqeersimaarlutik suliniuteqartarmata.

ATASSUT-mit aamma iluarisimaarparput nunarsuatsinni silaannaap allanngorneratigut issittumi upalungaarsimanerup annertusarneqarnissaanik Danskit akisussaaffimminnik tiguserusussuseqarlutik ersersitsimmata.

Manna siunnersuut piviusunnngortinneqarpat ATASSUT-mit qularutiginnilarput iluaqutaalluassasoq, pingaartumik ilinniarfiusinnaajutigisumik aallartitsisoqarpat, takorloorneqarsinnaavormi inuusuttut sillimaniarnerup upalungaarsimanerup annaassiniartarnerullu tungaatigut ilinniagaqarsinnaassasut.

Kalaallit Nunaanni nammineq piumassuseq naapertorlugu upalungaarsimasunik pilersitsisoqarpat sammiviit assigiinngitsut immikkut sammineqarsinnaasut arlalissuusinnaapput.

Soorlu assersuutigiinnarlugu Danmarkimi piumassutsiminnik upalungaarsimasut ikuallattoqartillugu, avatangiisinut mingutsitsisoqartillugu, annaassiniartoqassatillugu, ajunaarnersuaqartillugu nakorsaasersuisinnaalluni annaassiniartoqartillugu, inuit amerlasuut nerisassaqtinnissaannik isumannaarisooqassatillugu, qimmilerluni annaassiniartoqartillugu aammalu annaassiniarnermi angallattoqarnissaanut pilersaarusiortuni annaassiniartussallu apuuffissaannukaassorneqassatillugit, nammineq piumassuseq naapertorlugu upalungaarsimasut suliarisinnaasarpaat.

Taakkuli saniatigut aamma sakkutuut suliassaannik isumaginnittunngorsinnaanermut Danskit Illersornissaqarfia suleqatigalugu aaqjissuussisoqarsinnaassasoq ATASSUT-mit takorloorparput.

ATASSUT-mit neriuutigilluinnarparput nunatsinni taamatut ittumik pilersitsisoqarpat peqataanissamut piumassuseqarluartoqarumaartoq.

Maannali aallartitsisoqarsinnaanera pillugu sukumiisumik misissuinissaq matumani pineqarpoq.



ATASSUT INATSIARTUNI

ATASSUT-millu kingumut naqissusissavarput siunnersuutigineqartut siunertamikkut assigiittut tamakkiisumik tapersorsorsigit, taamaattorli misissuinermi ilanngunneqartussatut Inatsisartut piumasarisat erseqqissarneqarsinnaaqullugit aappasaaneerinnginnermi Inatsisartut Nunanut Allanut Sillimaniarnermullu Ataatsimiititaliaani suliassanngortinneqassasoq inassutigissavarput.